



Rabu, 27 Januari 2020

Ogen: Matius 25:21



Tetap Setia



Perlu kal kesetian i bas ndahiken kai pe, apaika i bas ndahiken dahin Tuhan, anemgia melala kel tantangan ras perbeben si man alanken. Gelah kita paguh, perlu kel tetap sibangun hubungan ras Tuhan gelah alu bage ngasup kita jadi kalak si megenggeng. Perlu ka si penanam-nanam kesetian Dibata i bas kegeluhenta, uga IA njayamen kita ras keluarganta suari ras berngi. Dibata tetap lit i bas ruang ras waktu, IA lit i bas tep-tep paksa kegeluhenta. Erkiteken Diata setia, la pernah itadingkenNa kita i bas kerina situasi kegeluhenta, e maka kita pe perlu tetap setia. Labo bagi ukurkel kerina si man alanken, melala pe suka dukana, tapi marilah kita tetap setia man Dibata i bas ndalani kegeluhen enda. Ula nilah i bas keleng ate Tuhan sebab Tuhan la pernah nadigken kita.

Adi sipergemetken i bas kegeluhenta enda melalakel reh si la bagi ukur, covid 19 pe reh alu la siundang, janah la sieteh ndigan erkedungen. Ngalaken si e pe melala kel kalak la setia man Tuhan, andalkenna kuasa perdukunen i bas ndarami duit, make pelaris i bas rusaha, minter tundalkenna Tuhan, tek nge ia lit Tuhan tapi la ia yakin kuasa Dibata e lebihen asangkan kuasa si lit i bas doni enda. Rikutken si e reh teremna kalak si depresi erkiteken mbiar seh maka lanai iandalkenna Tuhan i bas kegeluhenna. Lanai setia man Tuhan erkiteken mbue perbeben si ngerimrim kegeluhen. I bas Matius 25 : 21 lit ulih kalak si setia man Tuhan, nina tuan e :” mehulikel perbahanenndu, Kam juak juak si bujur dengen tutus, tutus atendu ibas si kitik, perbahan sie kupercayaken man bandu si terbelinen. Mari bengketlah kam ku bas ersenang senanglah ras aku”. Man banta pe moria tetap lah kita setia i bas ndalani wari wari kegeluhenta, anemgia melala perbeben, masalah pinakit si man alanken ula kel sempat kita nundalken Dibata erkiteken ras Tuhan kita megegeh.